

**Meeqqat atuarfianni atuartut akullit ilinniarnissamut periarfissat assigiinngitsut qanoq atorneqarnissaannut atuartut ilisimasaasa annertusarnissaat siunertaralugu immikkut ittumik siunnersuinissat aallartinneqarnissaat aallartinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniutissaq ukioq 2017-imi aallartinneqassaaq, paasisassarsiorlunilu angalanissanut, suliffeqarfinnut alakkarterinissanut suliffeqarfeqarfilla pillugu ilinniartitsinernut immikkut aaqqissukkanut aningaasanik kommuninit qinnuteqarfingineqarsinnaasunik pilersitsinissaq aaqqissorneqassalluni.**

(Inatsisartunut Ilaasortaq Naaja H. Nathanielsen, Attaviitsoq )

### **Akissuteqaat**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisunut Ilaasortaq)

### **Aappassaaneerneqarnera**

Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiitaliaq meeqqat atuarfianni immikkut ittumik siunnersuinikkut suliniuteqarnissamik aallartitsinissamik aalajangiiffigissatut siunnersummut sukumiisumik suliarinnissimaneranut qutsavigaa. Naalakkersuisut paasivaat Ataatsimiitaliaq isumaqtigissoq allannguutissatut siunnersummit nutaamik suliaqarsimasoq, tamannalu Naalakkersuisut tusaatissatut tiguaat.

Naalakkersuisut paasivaat Ataatsimiitaliap isumaliutissiisummini isornartorsiutigigaa Naalakkersuisut ilisimasimassagaat meeqqat atuarfiata inatsisaata ilaa siunnersuinerup sunniutaanik uuttortaanissamut tunngasoq malinnejanganngitsoq. Naalakkersuisut isertuutinngisaannarpaat meeqqat atuarfiata inatsisaata iluani suliassaqartoq naammaginartumik naammassineqanngitsunik. Assersuutigalugu novembarimi 2015-imi meeqqat atuarfiannik nalilersuisimaneq pillugu isumasioqtigisitsinermi, IMAK-ip aamma Ataatsimiitaliap peqataaffigisaanni pilersaarummik tallimanik immikkoortortalimmik saqqummiivunga ilaatigut tassani tikkuarlugu pitsaassutsimut nalileeriaasiliortoqartariaqartoq – taakkua suli meeqqat atuarfianni suliarissallugit amigaataammata. Aamma Ilinniartitaanermut pilersaarummi novembarimi 2015-imi saqqummersumi) ersarissumik allassimavoq pitsaassutsimut nalilersuisarnernik ineriartortitsinerup - tassunga ilaallutik sunniutinik uuttuitissat taaneqartut - Ilinniartitaanermut Aqutsisoqarfiiup aallartilluarnissaa utaqqigaat. Ilinniartitaanermut Aqutsisoqarfimmik pilersitsinerup tunaartarerpiarpai ineriartortitsinernik, atortuulersitsiniarnermik kiisalu meeqqat atuarfiat pillugu inatsimmik naleqqussaanermik suliareqqiinissat nukitorsarnissaat – taakkualu aamma Ilinniartitaanermut Pilersaarummi aamma taaneqarsimapput. Ataatsimiitaliap aqeqqutaanut akissummi ilisimatitsissutigereerpara Ilinniartitaanermut Naalakkersuisoqarfik Ilisimatusarfimmik oqaloqateqassamaartoq meeqqat atuarfiata inatsisaani § 36, imm. 3-mi suliassat tulleriaarnissat pillugu. Suliassaq taanna aasaanerani sulinngiffeqartoqalersinnagu

naammassineqassasoq ilimagineqarpoq inernerilu ataatsimiititaliamut ilisimatitsissutitut nassiunneqarumaarput.

Naalakkersuisut meeqqat atuarfiannik nalilersuinerup takkunnerata kinguninngua taamaalillutik pineqartut allallumi iliuuseqarfereersimavaat.

Aammaarlunga siunnersuuteqartoq Ataatsimiititaliarlu kingunissalimmik suleqatiginerinut qutsavigaakka.